




TIGREA AMESGAIZTOAREN KONTRA



Gidoia eta Irudiak: Emily Tetri
Itzulpena: Jon Muñoz
Astiberri Ediciones. Bilbo, 2020
Kolorea. Azal gogorra
64 orrialde. 18,5 x 23,5 cm. 13 euro
Txikiberri bilduma
ISBN: 978-84-17575-79-3

AZAROAREN 19AN SALGAI

**A zer zortea ohe azpian
munstro bat izatea!**

***Ausardiaz eta elkarlanaz hitz egiten
digun ipuin honek bibliotekazainek
emandako hainbat sari irabazi ditu,
haien artean Theodor Seuss Geisel
sari ospetsua***

Tigrea zorioneko umea da: munstro bat dauka ohe azpian bizitzen. Gauero, Tigrea eta Munstroa jolasean aritzen dira argiak itzaltzeko ordua arte. Jakina, Munstroa ez da sekula Tigrea ikaratzeko ahalegindu, lagunak ez baitute halakorik egiten. Baina Munstroak norbait ikaratzeko premia du... munstro bat baita, azken finean. Beraz, Tigrea lo dagoen bitartean, Munstroak haren amesgaizto guztiak uxatzen ditu. Bere lagunari esker, Tigreak amets goxoak besterik ez ditu. Baina ilunpean zain hortxe badago amesgaizto hain handi eta gaizto bat, non Munstroa ez baita gai harekin bakarrik borrokatzeko. Elkarlanean eta kemen handiz bakarrik lortuko dute biek amesgaizto hori uxatzea.

Irakurle gazteentzako nobela grafiko xarmagarri honetan, Emily Tetri komikigileak frogatzen du bi lagun min ustekabekoenak ere talde garaiezin batean elkar daitezkeela, baita munstrorik beldurgarrienaren aurka ere. Mesanotxean uzteko obra ezin hobe.

“Txikitan amesgaizto asko izaten nituen, eta horregatik idatzi dut liburu hau ni bezalako ume guztientzat, amesgaiztoak ongiegi imajinatzen dituzten horientzat”.

Emily Tetri




***Tigrea amesgaiztoaren kontra* komikiak sari eta aipamen ugari jaso ditu, besteak beste, Theodor Seuss Geisel 2019, ohorezko liburua; album ilustraturik onena, Kirkus Reviews 2018; nobela grafikorik onena, School Library Journal 2018. Haurrentzako argitarapen onenerako hautagaia ere izan da Eisner sarietan, 2019.**

“Tetrik adiskidetasun mina, irudimena, kemena eta elkarlana gai dituen ipuin goxo eta onbidezko bat ondu du. Lorena Alvarezen Gaueko argiak liburuaren zaleentzat bereziki eta gauez ikaratuta egon den edo gaueko ikararen oroitzapena duen edonorentzat gomendatua”.

School Library Journal

“Ahalduntzearen mezua dakar artelan eder eta dinamiko honek; formatu ireki eta erakargarria duen ipuin hau aukera natural bat da umeentzat, eta irudidun liburuetatik nobela grafikoetarako trantsizioa egiten du”.

Booklist



EMILY TETRI (1986, Madison) St Louisen jaio zen, Missourin, eta marrazten, kontakizunak asmatzen eta aire zabalean korrika pasatu zuen han haurtzaroa. Hego Kaliforniako Unibertsitatean egin zituen ikasketak, eta animazioaren espezializazioan graduatu zen. Gero, atzealdean diseinatzaile eta margolari gisa lan egin zuen telebistako marrazki bizietan. Orain Los Angelesen bizi da; marrazten eta kontakizunak asmatzen ateratzen du bizibidea, baina bere txakurrarekin aire zabalean korrika jarraitzen du aukera duen guztietan.



astiberri

